



## Ko wai te Māori “o waenga”? Te whakaehu ā-mātāwaka, me te mana rite-kore puta noa i ngā uri, te mātāwaka, me te mātauranga ā-iwi

Lara Greaves, Cinnamon Lindsay Latimer, Eileen Li, Logan Hamley, Larissa Renfrew, Andrew Sporle, and Barry Milne  
Waipapa Taumata Rau

### Kupu Whakataki

Inā rā te whakaehu o roto i ngā tuakiri Māori e hāngai ana ki te mātauranga mō te whakapapa, ngā uri rānei. Me uaua ka tūhonoa te ao Pākehā me te ao Māori e ērā tē mōhio ki te whakapapa, takitahi mai, takitini mai rānei. Me te aha anō, mā te taukaea ahurea kaha o te tuakiri e tautiaki ai te Māori i ngā pānga o te toihara, e ārai ai hoki rātou i ngā pānga o te ao kua whakapākehā.

Mā te tautuhi i ngā rerenga kētanga ā-taupori i roto anō i ngā tini tuakiri whakaehu Māori e kite ai te hāngai o ngā tapanga tuakiri a te Māori ki ngā hua pāpori ā-ahurea. He tokoiti iho rātou e kīia nei he Māori ā-mātāwaka i ērā e kīia nei he whakapapa Māori o rātou. Hei tauaro, e tinga ake ana ka whāia ngā wheako toihara, ka whāia rānei ngā hua kino ā-pāpori e ērā e kaha kīia nei he Māori rātou. Me te aha anō, ka tepe te whaiwāhitanga a te hunga e kore nei e tautuhi ana i tana iwi, hapū rānei ki ngā rawa ā-ahurea, ā-tōrangapū hoki.

He mea hirahira te tautuhi i ngā pīroiroitanga o roto mai i ngā tikanga rerekē o te tuakiri e ai ki te Māori, kia whāia ai ngā kaupapa here e whakatūturu nei i te motuhaketanga a te Māori mā te mana Māori motuhake, ngā pūnaha motuhake a te Māori, ngā mātāpono kaupapa Māori rānei.

### Te tuakiri Māori me ngā tatauranga ōkawa

He nui ngā ara e hangaia ai te tuakiri ā-mātāwaka mō te kaupapa here ā-marea, ka mutu, ka kīia ai i ngā tatauranga ōkawa, ko tēnei takitoru: **He Uri Māori** - mēnā kua kīia e tētahi he mātua Māori, he kaumātua, he tūpuna rānei ōna, **ā-mātāwaka** mēnā kua tonoa te tangata kia tautuhi i (t)ōna mātāwaka, **ā-hononga iwi (ā-motu, ā-rohe)** rānei. Mā ngā tini ranunga o ēnei momo tuakiri e whai rautaki ai kia tātari i te hononga i waenga i te pēheatanga o tā te Māori whakatau, ngā taupori rerekē, me ngā hua ā-pāpori, ngā wheako ā-toihara rānei.

waenga i ēnei rōpū, tāe rā anō ki ngā rerenga kētanga ā-taupori puta noa i ngā tuakiri whakaehu, kia tōmene i te whakaehu i ngā hua ā-rawa, ā-pāpori hoki, me ngā tūpono e noho ai te Māori i waenga i ngā kaupapa here, ngā tutūnga rānei.

### Ngā tino whāngaitanga o te rangahau:

- He whakaehu nō te tuakiri a te Māori, he pito mata **kia noho i waenga i ngā kaupapa here me ngā tutūnga**
- E whakaatu ana i te huhua o ngā **rerenga kētanga whaimana** i roto anō i te hunga “Māori” mō te kaupapa here, ahakoa, he rite tonu te kīnga he hunga ahurea-kotahi.
- E tohu ana i te **nekehanga ā-mātāwaka**, e huri ai te mātāwaka ā tōnā wā, i ngā tini horopaki
- E inea ana ngā **pānga kino ā-pāpori, ā-rawa hoki** e hāngai ana ki ngā tapanga tuakiri Māori ā-taupori, me ngā wheako toihara i roto i ngā kaupapa here
- E tūāpapa ana i te hirahira o te mōhio ki **ngā hiahia ā-rōpū, me te orange o te Māori** e whakamanahia ai te hapori Māori e te kaupapa here, e whakawhāitihia ai te toihara, e whakanuia ai hoki te mana Māori

### Whāinga

Ko te whāinga o te rangahau nei kia tōmene i ngā hononga ki ngā tuakiri Māori, ngā taupori, me ngā hua ā-pāpori, mā te Tatauranga (Census) 2013 me ngā raraunga o Te Kupenga 2013 e whakaatu ana i ngā kotahitanga o te ahunga, te mātāwaka, me te mātauranga ā-iwi i te taupori Māori. Kua kitea i ngā mahi o mua ngā mana rite-kore ki te mātāwaka Māori me te tūhononga ā-iwi, te whakapapa, me ngā momo tuakiri ahunga hoki.


Ko tā te rangahau he whakataurite i ngā kotahitanga e ono o ngā tapanga tuakiri ōkawa e toru. Ko te whāinga kia āmiki whakaatu i ngā rerenga kētanga i

## Ngā kitenga

I te nuinga o te wā, i nui rawa atu te pānga riterite i ngā whāinga pūtea ā-tau teitei rawa atu, te mātauranga whare wānanga, kē atu rānei, ngā tūranga whakahaere, ngā momo mahi ngaio kē atu rānei o te taupori Māori i mōhio ki tōna iwi engari kāhore i kīia he Māori, heoi kua iti rawa rā anō te kaha o te toihara i pā atu.

1. Mō te hunga **kāore i mōhio ki te iwi**, he 6.9% rātou kīhai i kīia he Māori. Mō te hunga **i mōhio ki te iwi**, he 7.2% kīhai i kīia he Māori. Katoa ngā hunga **i mōhio ki te iwi i tokomaha ake ngā kanohi wāhine**.
2. Mō ērā **i mōhio ki te iwi, ā, i kīia anake he Māori**, hei tā te toharite, kua **kaumātua ake** i ērā atu hunga. Mō te hunga kāore i mōhio ki tana iwi, ā, i kīia he Māori me tētahi atu mātāwaka, hei tā te toharite, kua kaumātua iho.
3. Mō te **hunga kāore i mōhio ki te iwi, ā, i kīia he Māori**, kei a ia te pānga riterite nui rawa atu i ngā whāinga pūtea ā-tau hakahaka rawa atu, me te hunga tohu kore. Kei te rōpū nei te pānga riterite teitei rawa atu o ngā mahi ngāwari noa, me ngā kaiwhakahaere, ngā kaihanganga hoki i ngā mīhini, kātahi ko ērā i mōhio ki te iwi, i kīia he Māori anake.
4. **Mō ērā i mōhio ki te iwi engari kīhai i kīia he Māori**, kei a ia te pānga riterite iti rawa atu i ngā whāinga pūtea ā-tau hakahaka rawa atu, te pānga riterite nui rawa atu i ngā whāinga pūtea ā-tau teitei rawa atu, te mātauranga whare wānanga, kē atu rānei, ngā tūranga whakahaere, ngā momo mahi ngaio kē atu hoki.
5. Ina whakamātauhia ki ngā hua o Te Kupenga, **mō te hunga kāhore i mōhio ki te iwi, ā, i kīia he Māori anake** i kitea **ngā pānga riterite teitei rawa atu o te toihara**, me te aha, ko ērā e kīia nei he Māori anake, engari kua mōhio tonu ki tana iwi, **e kitea nei ngā pānga riterite teitei rawa atu mō te toihara ā-kiri**.
6. Mō te hunga **i mōhio ki te iwi, ā, kāore i kīia he Māori**, kua pāngia ngā **pānga riterite iti rawa atu o te toihara**, te toihara ā-kiri, me te toihara ā-mātawaka, arā, te kaikiri.

Experiences of discrimination – by identity labels and discrimination type



## Ngā Hiraunga Matua o te Kaupapa Here

- Me whai te rangahau kaupapa here me ngā uiuinga taupori i ngā ara e whakamanahia ai te tuakiri Māori hei **ahurea-whakaehu (heterogenous)**, e hāngai ai ngā ahunga ki ngā **tini momo whakapuakitanga**
- Mā te tirohanga tauwiwi ki te kaupapa here e tūraru ai te kaikiri, e kore ai hoki e whakamana te ahurea-whakaehu o te tuakiri Māori. He mea hirahira te tūāpapa i te kaupapa here ki te **mātauranga Māori** mō te kaupapa here e whai ana i te tūhononga ā-ahurea me te **ngana-motuhake Māori**
- E waiwai ana te **āheinga me ngā aratakinga ki te IDI a te Māori** i te horopaki o te rangahau kaupapa here mā te Māori, mō te Māori hoki, ki te whanaketanga o te māramatanga o te tuakiri Māori i te kaupapa here
- Me noho tahi ngā **rawa ake** ki ngā kaupapa Māori me ngā **rawa whaihua** mō te hunga e kīia hei he Māori anake, e rangona nei te kaha o te toihara me te kaikiri
- Ahakoa i whakaatu mātou i te tokomaha kāore tonu e mōhio ki te whakapapa, he **ārai tonu ki ngā kaupapa here tūhono ā-ahurea**, ā, me āta koke, he kōre mōhio nō mātou ki ngā ārainga tūhononga. He tokomaha e tohe ana i te panonitanga ā-whakatakotoranga, tērā i te aronga ki te tūhononga ā-ahurea
- E kore e tino kite mēnā rānei e hāngai pū ana ā mātou inenga mō te whakapapa, te mātāwaka, me te ahurea ā-iwi; me te aha anō, **me whai pūtea ā-kāwanatanga ngā whakaritenga whakamātaunga mō te hāngaitanga ā-ahurea**, ina koa, puta noa i ngā taumata mātauranga me ngā umanga

**Mō te roanga atu o ngā kōrero, toroa:**

<https://www.tandfonline.com/doi/abs/10.1080/01419870.2022.2081512>

**Whakapāngia rānei:** [lara.greaves@auckland.ac.nz](mailto:lara.greaves@auckland.ac.nz)

*Kua urutaungia e Suzanne Woodward rāua ko Holly Willson, PPI*